



Олий ва ўрта махсус таълим вазирлигининг
2021 йил "3" март
208 -сон буйруғига 17-илова

**“Ўзбекистон ёшлари бузғунчи ғояларга қарши” мавзусида ўтказиладиган “Энг
яхши видеоролик”
номинациясидаги масофавий танлов
НИЗОМИ**

I. Умумий қоидалар

1. Ўзбекистон Ёшлар ишлари агентлиги билан ҳамкорликда 2021 йил 29 январда тасдиқланган “2021 йил Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастури”нинг 32-бандида белгиланган вазифалар ижросини таъминлаш мақсадида ташкил этилади.

2. “Ўзбекистон ёшлари бузғунчи ғояларга қарши” мавзусида ўтказиладиган “Энг яхши видеоролик” номинациясидаги масофавий танловда олий таълим муассасаларида тахсил олаётган талабалар ўзларининг ижодий ишлари билан иштирок этади.

3. Танлов “Энг яхши видеоролик” номинациясида масофавий ўтказилади.

4. Танловнинг олий таълим муассасаси босқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор ва бўлим бошлиғи томонидан амалга оширилади.

II. Танловнинг мақсади ва вазифалари

5. Танловнинг асосий мақсади – талабалар ўртасида ижтимоий-сиёсий вазиятнинг барқарорлигини таъминлаш, уларни турли экстремистик оқимларга қўшилиб кетишининг олдини олиш, олий таълим муассасаларида талабаларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш, талабаларимизни ҳар томонлама соғлом ва баркамол этиб тарбиялаш, ўз иқтидорларни намойиш этишлари учун шарт-шароитлар яратиш ҳамда мустақил ва эркин фикрга эга истеъдодли талабаларни қўллаб-қувватлашдан иборат.

6. Танловнинг вазифалари қуйидагилардан иборат:

талабалар ўртасида ижтимоий-сиёсий вазиятнинг барқарорлигини таъминлаш, уларни турли бузғунчи ғоялар тасъирига тушиб қолишнинг олдини олиш;

Талабаларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш;

талабаларни ҳар томонлама соғлом ва баркамол этиб тарбиялаш, ўз иқтидорларни намойиш этишлари учун шарт-шароитлар яратиш ҳамда мустақил ва эркин фикрга эга истеъдодли талабаларни ҳар томонлама ривожлантириш;

талабаларда ёт ғояларга қарши мустаҳкам иммунитетни шакллантириш;

чора-тадбирлар дастурининг мазмун-моҳияти тарғиботи таъсирчанлигини ошириш;

ёш авлодни ҳар томонлама етук, юксак маънавиятли, интеллектуал салоҳиятли, ота-онасига, Ватанига садоқатли инсонлар қилиб тарбиялаш;

талабаларнинг “Ўзбекистон ёшлари бузғунчи ғояларга қарши” мавзусида ўтказилган “Энг яхши видеоролик” номинациясидаги масофавий ижодий ишларини кенг жамоатчиликка етказиш.

III. Танловни ўтказиш босқичи ва муддатлари

7. “Ўзбекистон ёшлари бузғунчи ғояларга қарши” мавзусида ўтказилган “Энг яхши видеоролик” номинациясидаги масофавий танлов уч босқичда ўтказилади:

биринчи босқич – академик гуруҳлар талабалари ўртасида жорий йил октябрь ойининг биринчи ўн кунлигида ўтказилади;

иккинчи босқич – факультетлараро уларнинг ғолиблари ўртасида октябрь ойининг иккинчи ўн кунлигида ўтказилади;

учинчи босқич (якуний) – олий таълим муассасалари ғолиблари ўртасида жорий йил ноябрь ойининг биринчи ўн кунлигида ўтказилади.

IV. Танловни ташкил этиш ва ўтказиш

8. Танловнинг биринчи ва иккинчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар хайъати тузилади.

9. Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган Ҳакамлар хайъати томонидан танлов шартлари ва мезонлари асосида баҳоланади.

10. Танловнинг учинчи босқичини ташкил этиш ва ўтказиш Ташкилий қўмита томонидан амалга оширилади. Танловнинг якуний босқичи ғолибларини аниқлаш бўйича Ҳакамлар хайъати тузилади ва танлов ғолиблари Ташкилий қўмитанинг йиғилиш баёни орқали тасдиқланади. Ҳайъат таркибига соҳа бўйича етук мутахассислар жалб этилади.

V. Танлов шартлари ва баҳолаш мезонлари

11. Видеороликлар қўйидаги мезонлар асосида баҳоланади:

ғоянинг оригиналлиги ва долзарблиги. Видеоролик танлов талабларига жавоб бериши ҳамда унда акс эттирилган воқеа-ҳодисанинг аҳамияти тўлиқ очиб берилиши керак;

мавзуга мослиги. Видеоролик танлов мавзусига ҳамда танлов олдига қўйилган мақсад ва вазифаларига мос келиши керак;

ғоянинг янгилиги ва антиқалиги. Видеоролик сюжети оригинал бўлиб, бошқа видеороликларнинг сюжет ва ғоясини такрорламаслиги керак.

ижодий иш баҳоланиши жараёнида мусиқали фон, видеоэффектлардан фойдаланилганлиги, томошабинда туйғу ва тасаввур уйғота олиши, креативлик, ишнинг услубий жиҳатдан ўзига хослиги, бадиий ва техник даражаси, эфирга узатиш имконияти ҳам инобатга олинади.

12. Такдим этиладиган видеороликлар сони 2 тагача, ҳажми 200 мегабайтгача бўлиши мумкин.

13. Ҳар бир мезон 10 балллик тизим асосида баҳоланади (жами 50 балл).

14. Видеороликларга қўйиладиган талаблар:

давомийлиги 3 дақиқа;

фармати MPEG-4;

лавҳа формати 720p (1280x720) ёки 480p (854x480);

ҳажми 40 мегабайтгача бўлиши керак.

15. Видеоролик тасвирида муаллифнинг бевосита иштироки шарт эмас.

16. Видеороликни суратга олиш ва монтаж жараёнида махсус дастур ва ускуналардан фойдаланиш иштирокчи (ижодий иш муаллифи)нинг ихтиёрига ҳавола этилади.

17. Видеоролик жанри (репортаж, видеоклип, анимацион сюжет ва бошқалар)ни иштирокчининг ўзи белгилайди.

18.Видеороликда ёритилаётган мавзу номи кўрсатилади. Муаллиф, таълим муаммассаса номи, ўқиш курси кўрсатилиши қатиян тақиқланади.

VI. Хужжатларни тақдим этиш тартиби

14. Олий таълим муассасаларида иккита йўналиш бўйича ғолиб бўлган, 1 ва 2-ўринни эгаллаган талабаларнинг хужжатлари (*баённомаси ва қарори, ғолиб бўлган талабанинг ижодий материаллари – видеоролиги(электрон шаклда)*)ни Вазирлик ҳузуридаги Ташкилий кўмитасига жорий йилнинг 30 октябрга қадар тақдим этилади. Ижодий ишлар электрон архивланган(архив номи таълим муассаса номи билан) ҳолда (+99899 495-04-36 телеграм рақами) орқали қабул қилинади.

15. Видеоролик билан ёзма маълумот нусхасида талабаларнинг ўқиш жойи, факультети, курси ва таълим йўналиши тўлиқ кўрсатилади.

16. Юқоридаги талабларга жавоб бермайдиган ижодий ишлар қабул қилинмайди.

VII. Муаллифлик ҳуқуқлари

17. Танловда иштирок этаётган видеоролик(лар)да муаллифлик ҳуқуқлари бузилганда, бунинг учун ишни танловга тақдим этган муаллиф (муаллифлар жамоаси) жавобгар ҳисобланади.

18. Видеороликни танловга тақдим этиш билан муаллиф (муаллифлар жамоаси) ташкилотчиларга мазкур ишдан фойдаланиш (интернет тармоғи, теледастурларда жойлаштириш ва бошқа) ҳуқуқини топширади.

19. Видеороликда бошқа иштирокчи ёки муаллифларнинг ҳар қандай ижодий ишлари (шу жумладан, видео, реклама роликлари, кинематографик асарлари)дан нусха олишга йўл қўйилмайди.

20. Танлов иштирокчиси тақдим этилган видеоролик(лар)нинг муаллифи эканлигини, уларнинг ижодий ишида бошқа шахсларнинг интеллектуал мулкка бўлган ҳуқуқини бузилмаганлигини кафолатлайди. Мазкур талаб бузилган тақдирда, иштирокчи ташкилотчиларга барча зарар ҳамда ташкилотчиларнинг ўз ҳуқуқларини ҳимоя қилиши учун кетказган харажатларини қоплаш мажбуриятини ўз зиммасига олади.

21. Танлов иштирокчиси ижодий иши баҳолаш жараёнида ошқора намоиш этилиши ва муҳокама қилинишига ўз розилигини билдиради.

22. Танлов иштирокчиларининг ижодий ишларига муносабат билдирилмайди ва қайтарилмайди.

23. Ташкилотчилар танловга тақдим этилган ишлардан танловни ёритиш, тўплам яратиш ва тарқатиш мақсадида фойдаланишлари мумкин.

24. Видеороликни танловга тақдим этиш орқали иштирокчи ушбу Низомнинг барча бандларига ўз розилигини билдиради.

VIII. Танлов ғолибларини тақдирлаш

25. Танловнинг биринчи ва иккинчи босқичида юқори (1, 2, 3) ўринни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар олий таълим муассасасининг фахрий ёрлиқлари билан тақдирланади. Юқори (1, 2, 3) ўринни эгаллаган талабаларнинг ижодий ишлари олий таълим муассасаси расмий сайт ва телеграм каналларида ёритилади.

26. Танловнинг “Энг яхши видеоролик” номинацияси бўйича Республика босқичида ғолиб бўлган талабалар қуйидаги тартибда пул маблағлари ва Олий ва ўрта махсус таълим вазирлигининг дипломлари билан рағбатлантирилади:

“Ўзбекистон ёшлари бузгунчи ғояларга қарши” мавзусида ўтказилган “Энг яхши видеоролик” номинациясидаги масофавий ижодий ишлар:

1-ўрин – 3 000 000 (уч миллион) сўм;

2-ўрин – 2 000 000 (икки миллион) сўм;

3-ўрин – 1 000 000 (бир миллион) сўм.

Шунингдек, Танлов йўналиши бўйича Республика босқичида юқори балл тўплаган талабалар Олий ва ўрта махсус таълим вазирлигининг фахрий ёрлиғи билан тақдирланади. Талабаларнинг энг сара ижодий ишлари олий таълим муассасаси газета ва журналларида ёриштилади.